

- Kot lekol si en lot etidyan oubyen nenport ki lot dimoun i tous ou dan landrwa ki pa devret par ekspres, dir ou ansennyan, Counsellor oubyen Headteacher.
- Pa pran pasaz ek dimoun ki ou pa konnen sirtou si ou tousel.
- Pa bezwen per pou dir ek sa dimoun ki esey tous ou 'sorti la', kriye si fodre pou ou ganny led.
- Pa per pou koze, pou rakonte deswit ki sa dimoun in fer ek ou.
- Ler ou santi ki ou dan danze, ki en dimoun pe esey abiz ou, demann en dimoun ki pe pase pou ed ou.
- Si ou kapab taye, **TAYE** e **KRIYE**.
- Si ou pros ek en Kordgard pa bezwen per pou rantre pou demann led.

KOZE PA RESTE TRANKIL. LABIZER i GANNY PYE E i POU PROFITE LER OU RESTE TRANKIL.

Si ou kann en lot zanfann ki pe ganny abize dir en dimoun ki ou kapab koz avek.

LABI SEKSYEL LO ZANFAN FODRE ARETE!



MINISTER LAFANMIY

KI FODRE OU FER SI OUN GANNY ABIZE SEKSYELMAN?

- **Koze.** Pa gard li pou ou. Pa per pou rakonte kin arrive.
- Demann led ek en dimoun ki pli pre avek ou, ou paran, en manm fanmiy, en ansennyan etc..
- Telefonn Helpline 4322626.
- Koz avek en dimoun ki ou pre avek.
- Mazinen: pa ou ki annan tor. Alor pa per pou koze. Si ou reste trankil sa dimoun kin abiz ou i riske fer li ankor.
- En Travayer Sosyal ek en Travayer lapolis pou demann ou kestyon lo sa kin arrive. Rakont tou parey i ti arrive. Pran ou letan, esey mazin tou bann detay.
- Ou pou osi ganny ekzaminen par en dokter. Sa i enportan, pa bezwen per. Ou Travayer Sosyal pou akonpanyan ou.
- Si ou'n sibir dimal fizik lo nenport ki parti ou kekor, fodre ki ou dir dokter.